


«ТАСДИҚЛАНГАН»
“Kvarts” aksiyadorlik jamiyati
акциядорларининг 2021 йил 30 июндаги
Умумий йиғилиши қарори билан
(2021 йил 30 июндаги 2-сонли баённома)



“Kvarts” aksiyadorlik jamiyati
Миноритар акциядорлар қўмитаси тўғрисидаги
НИЗОМ

Қувасой шаҳри - 2021 й.

1. Умумий қоидалар.
2. Қўмита аъзоларини сайлаш.
3. Қўмита фаолиятини ташкил этиш.
4. Қўмитанинг ваколат доираси.
5. Қўмитанинг мажлислари ва қарорлари.
6. Қўмита аъзоларининг ҳуқуқ ва мажбуриятлари
7. Яқуний қоидалар.

I. УМУМИЙ ҚОИДАЛАР

1. Ушбу Низом Ўзбекистон Республикасининг «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонуни, бошқа қонун ҳужжатлари ва «Кварц» акциядорлик жамияти (кейинги ўринларда - Жамият)нинг Уставига мувофиқ Жамият Миноритар акциядорлар қўмитаси (кейинги ўринларда – қўмита деб юритилади) мақоми, ваколатлари ва фаолиятини ташкил этиш тартибини белгилайди.

2. Мазкур Низомда қуйидаги асосий тушунчалардан фойдаланилади:

Акциядорлик жамияти (бундан буён матнда жамият деб юритилади) — устав фонди (устав капитали) акциядорларнинг акциядорлик жамиятига нисбатан ҳуқуқларини тасдиқловчи муайян миқдордаги акцияларга тақсимланган тижорат ташкилоти;

Акциядор — акциялар мулк ҳуқуқи ёки бошқа ашъвий ҳуқуқ асосида тегишли бўлган юридик ёхуд жисмоний шахс;

миноритар акциядорлар — акциядорларнинг умумий йиғилишида иштирок этиши ва овоз бериши йиғилиш кун тартибидаги масалалар бўйича овоз бериш натижаларига таъсир ўтказмайдиган акциялар эгалари;

Кузатув кенгаши — қонун ва акциядорлик жамияти устави билан акциядорлар умумий йиғилишининг ваколати доирасига киритилган масалалардан ташқари акциядорлик жамияти фаолиятига умумий раҳбарликни амалга оширувчи бошқарув органи;

3. Қўмитанинг қарорлари жамиятнинг бошқарув ва назорат органлари томонидан бажарилиши мажбурий эмас, ушбу Низомда назарда тутилган тартибда тегишли ҳужжатларни тақдим этиш тўғрисидаги қарорлари бундан мустасно.

Жамиятнинг акциядорларига тегишли бўлган дивидендлар тўланмаган тақдирда қимматли қоғозлар бозорини тартибга солиш бўйича ваколатли давлат органи мазкур жамият акциядорининг ёки қўмитанинг мурожаати асосида судга жамиятнинг зиммасига ушбу жамият барча акциядорларига дивидендлар тўлаш мажбуриятини юклатиш тўғрисида даъво тақдим этишга ҳақли. Бундай даъвони тақдим этиш ва кўриб чиқиш тартиби қонун ҳужжатларида белгиланади.

4. Қўмита ўзининг ваколатига кирган масалалар бўйича қабул қилинган қарорлар тўғрисида хар йили Акциядорларнинг умумий йиғилишига ҳисобот беради.

II. ҚЎМИТА АЪЗОЛАРИНИ САЙЛАШ

5. Қўмитанинг сон таркиби 3 кишидан иборат.

6. Акциядорлар (акциядор) жамиятнинг молия йили тугаганидан кейин тўқсон кундан кечиктирмай, агар жамият уставида бундан кечроқ муддат белгиланмаган бўлса, акциядорларнинг йиллик умумий йиғилиши кун тартибига қўмита таркибига номзодлар бўйича таклифлар кўрсатишга ҳақли.

7. Акциядорлар (акциядор) қўмитага ўзлари кўрсатган номзодлар рўйхатида акциядорларнинг йиллик умумий йиғилиши ўтказилиши тўғрисидаги хабар эълон қилинган санадан эътиборан уч иш кунидан кечиктирмай ўзгартишлар киритишга ҳақли.

8. Қўмита аъзоларини сайлаш тўғрисидаги қарор акциядорларнинг умумий йиғилиши томонидан бир йил муддатга қабул қилинади.

9. Қўмита таркибига сайланган шахслар чекланмаган тарзда қайта сайланиши мумкин.

10. Қўмитанинг аъзоларини сайлашда акциядорларнинг умумий йиғилишида ҳозир

бўлган ва жамият кузатув кенгашига номзодлар кўрсатмаган ёхуд акциядорларнинг ўтказилаётган умумий йиғилишида кузатув кенгашига номзодлари сайланмаган акциядорлар иштирок этади.

11. Жамият ижро органи аъзолари ва бошқарув раиси, шунингдек жамият кузатув кенгаши ҳамда, тафтиш комиссияси аъзолари (тафтишчиси) жамиятнинг қўмита аъзолари таркибига киритилиши мумкин эмас.

12. Қўмитанинг раиси ушбу қўмита таркибидан унинг аъзолари томонидан кўпчилик овоз билан сайланади.

13. Қўмита таркибига Жамиятнинг жисмоний шахслар иборат бўлган акциядорлари сайланади.

14. Қўмита таркибини шакллантиришда талабгорларнинг малакаси, номзодларнинг фонд бозоридаги иш тажрибаси, шунингдек бошқа жиддий омиллар ҳисобга олиниши мумкин.

III. ҚЎМИТА ФАОЛИЯТИНИ ТАШКИЛ ЭТИШ

15. Қўмита фаолиятини ташкил этиш мақсадида Жамиятнинг ижро органи раҳбари томонидан қўмита аъзоларига иш жойи, компьютер ускуналари, сейф, телефон ёки факсимил алоқаларга эга бўлган меҳнат шароити яратиб берилади.

16. Қўмитанинг фаолиятига жамият кузатув кенгашининг ёки ижроия органининг аралашувига йўл қўйилмайди.

IV. ҚЎМИТАНИНГ ВАКОЛАТ ДОИРАСИ

17. Жамият Қўмитасининг ваколатига қуйидагилар киради:

акциядорларнинг умумий йиғилиши ёки жамиятнинг Кузатув кенгаши кўриб чиқиши учун киритилаётган йирик битимлар ва аффилиланган шахслар билан битимлар тузишга оид масалалар бўйича таклифлар тайёрлашда иштирок этиш;

миноритар акциядорларнинг ўз ҳуқуқлари ва қонуний манфаатларини ҳимоя қилиш билан боғлиқ муурожаатларини кўриб чиқиш;

қимматли қоғозлар бозорини тартибга солиш бўйича ваколатли давлат органига миноритар акциядорларнинг ҳуқуқлари ва қонуний манфаатларини ҳимоя қилиш тўғрисида муурожаатлар киритиш;

қонун ҳужжатларига ва жамият уставига мувофиқ бошқа масалаларни кўриб чиқиш.

V. ҚЎМИТАНИНГ МАЖЛИСЛАРИ ВА ҚАРОРЛАРИ

18. Жамиятнинг қўмита мажлислари ҳар чоракда камида бир марта, шунингдек бошқа зарур ҳолларда исталган вақтда ўтказилади.

19. Қўмитанинг мажлиси қўмитага сайланган аъзоларнинг камида тўртдан уч қисми ҳозир бўлганда ваколатлидир.

Қўмита раиси қўмита қарорида куни ва вақтини белгилаган тарзда миноритар акциядорларни ҳафталик қабулини ташкил этиши лозим.

20. Қўмита қарорлари оддий кўпчилик овози билан қабул қилинади ва йиғилишда иштирок этувчи барча қўмита аъзолари томонидан имзоланадиган баённома билан расмийлаштирилади.

21. Қўмитанинг бир аъзоси ўз овозини шу қўмитанинг бошқа бир аъзосига беришига йўл қўйилмайди.

22. Қўмита раиси қўмитанинг ваколати доирасига киритилган барча масалалар бўйича жамиятнинг маълумот ва ҳужжатларидан, шу жумладан жамият тафтиш комиссиясининг (тафтишчисининг), аудиторлик ташкилотининг ҳулосалари ва ҳисоботлари, назорат қилувчи давлат органларининг текшириш далолатномалари, жамиятга ва унинг мансабдор шахсларига нисбатан чиқарилган суд қарорларидан, шунингдек аффилиланган шахслар билан назарда тутилган битимларни жамиятнинг ижроия органи ва ички аудит

хизмати томонидан ўрганиш бўйича баённомаларидан эркин фойдаланиш ҳуқуқига эга.

23. Қўмита ваколатига кирадиган масалалар бўйича ҳужжатларни олиш тўғрисидаги қўмита раисининг сўровномалари ёзма равишда расмийлаштирилган ҳолда жамият ижроия органига тақдим этилади.

24. Жамиятнинг ижроия органи қўмита раиси томонидан сўралган ҳужжатларни ёки уларнинг нусхаларини 10 кун ичида ёхуд сўровномада кўрсатилган муддатдан кечиктирмаган тарзда тақдим этиши шарт.

25. Қабул қилиниб олинган ҳужжатлар қўмита раиси ва аъзолари томонидан фақатгина хизмат мақсадларида фойдаланилиши мумкин.

Қўмита аъзолари жамият ёки унинг фаолияти тўғрисидаги хизмат, тижорат сирини ёки қонун билан қўриқланадиган бошқа сирни ташкил этувчи ахборотни ошкор қилишга ҳақли эмас.

26. Қўмита ўзининг ваколатига кирган масалалар бўйича қабул қилинган қарорлар тўғрисида ҳар йили акциядорларнинг умумий йиғилишида ҳисобот беради.

27. Қўмитанинг қарори оддий кўпчилик овози билан қабул қилинади ва йиғилишда иштирок этувчи барча қўмита аъзолари томонидан имзоланадиган баённома билан расмийлаштирилади, унда қуйидагилар кўрсатилади:

мажлис ўтказилган сана, вақт ва жой;

мажлисда иштирок этган Қўмита аъзоларининг рўйхати;

қабул қилинган қарорлар.

28. Баённомага Қўмита томонидан тайёрланган хулосалар, ҳисоботлар ва бошқа материаллар илова қилиниши мумкин.

29. Қўмитанинг мажлис баённомаси мажлисда иштирок этаётган Қўмитанинг аъзолари томонидан имзоланади, улар мажлис баённомаси тўғри расмийлаштирилиши учун жавобгар бўлади.

30. Мажлис баённомалари, қўмитанинг ҳисоботлари, хулосалари ва мажлис баённомасига илова қилинадиган бошқа материаллар Жамиятда қонун ҳужжатларида белгиланган тартибда сақланади.

VI. ҚЎМИТА АЪЗОЛАРИНИНГ ҲУҚУҚ ВА МАЖБУРИЯТЛАРИ

31. Жамият Қўмита аъзолари қуйидаги ҳуқуқларга эга:

Жамият ижро органи аъзоларидан Жамиятнинг молия-хўжалик фаолияти тўғрисидаги ҳужжатларни тақдим этишни талаб қилиш;

Жамият томонидан аффилиланган шахслар билан Жамият акциядорларининг умумий йиғилиши ёки Кузатув кенгаши ушбу битим бўйича қарор қабул қилганидан кейин амалга оширилган битимни ўрганиш натижалари бўйича баённомаларни Жамият ижро органидан талаб қилиш;

Жамият томонидан Жамият акциядорларининг умумий йиғилиши ёки Кузатув кенгаши ушбу битим бўйича қарор қабул қилганидан кейин амалга оширилган йирик битим бўйича ҳужжатларни Жамият Бошқарувидан талаб қилиш;

Кузатув кенгаши ва Жамият Бошқаруви аъзоларидан, Жамиятнинг бошқа мансабдор шахслари ва ходимларидан қонун ҳужжатларида белгиланган тартибда Жамиятнинг молия-хўжалик фаолияти масалалари бўйича оғзаки ва ёзма тушунтиришларни талаб қилиш;

Жамиятнинг акциядорларига тегишли бўлган дивидендлар тўланмаган тақдирда қимматли қоғозлар бозорини тартибга солиш бўйича ваколатли давлат органи мазкур жамият акциядорининг ёки қўмитанинг мурожаати асосида судга жамиятнинг зиммасига ушбу жамият барча акциядорларига дивидендлар тўлаш мажбуриятини юклатиш тўғрисида даъво тақдим этишга ҳақли. Бундай даъвони тақдим этиш ва кўриб чиқиш тартиби қонун ҳужжатларида белгиланади.

Қўмита аъзолари қонун ҳужжатларига мувофиқ бошқа ҳуқуқларга эга бўлиши мумкин.

32. Қўмитанинг аъзоларининг мажбуриятлари куйидагилардан иборат:
Жамият ва унинг акциядорлари манфаатларини кўзлаб иш тутиш;
Жамиятнинг молия-хўжалик фаолиятини текширишни тегишли тарзда амалга ошириш;

Жамиятнинг молия-хўжалик фаолиятини текшириш натижалари бўйича ҳисобот ва хулосаларни ўз вақтида тайёрлаш;

Жамият Бошқаруви аъзоларидан Жамиятнинг молия-хўжалик фаолияти тўғрисидаги ҳужжатларни тақдим қилишни ёзма шаклда сўраш;

Жамият Бошқаруви аъзоларидан Жамиятнинг аффилиланган шахслар билан битимлари ва Жамиятнинг йирик битимларини ўрганиш баённомаларини тақдим қилишни ёзма шаклда сўраш;

амалдаги қонунчиликка риоя қилиш;

Жамият фаолияти тўғрисидаги махфий ахборотни ошкор қилмаслик.

Қўмита аъзолари қонун ҳужжатларига мувофиқ бошқа мажбуриятларга ҳам эга бўлиши мумкин.

VII. ЯКУНИЙ ҚОИДАЛАР

33. Қўмита жамиятнинг хўжалик фаолиятига аралашишга ҳақли эмас.

34. Ушбу Низомнинг талабларини бузганликда айбдор шахслар қонун ҳужжатларида белгиланган тартибда жавобгар бўлади.

35. Агар мазкур Низомнинг бирон бир моддаси Ўзбекистон Республикасининг амалдаги қонунчилиги ва/ёки Жамият Устави билан мос келмай қолса, ушбу моддалар ўз кучини йўқотган ҳисобланади ҳамда мазкур Низомга мос ўзгартиришлар киритилгунча ушбу моддалардаги масалалар бўйича Ўзбекистон Республикасининг амалдаги қонунчилиги ва/ёки Жамият Уставига мувофиқ иш юритилади.

36. Ушбу Низомга киритилган ўзгартириш ва қўшимчалар Акциядорларнинг умумий йиғилиши томонидан тасдиқлангандан кейин кучга киради.



А.И.Буриев